

人物

名臣

漢

向栩字甫典朝歌人長之子恆讀老子狀如學道不好語
言而喜長嘯賓客從就輒伏而不視郡禮請辟舉孝廉賢
良方正有道公府辟皆不就又與彭城姜肱京兆韋著並
徵栩獨不應後特徵至拜趙相到官畧不事文書舍中生
蒿萊徵拜侍中每朝廷有大事侃然正色無所撓屈舉朝
憚之 漢書獨行傳

衛輝府志

卷三十一

名臣

二百四十

汲黯字長孺濮陽人也其先有寵於古之衛君至黯十世
世為卿大夫以父任孝景時為太子洗馬以莊見憚武帝
即位黯為諫者東粵相攻上使黯往視之不至至吳而還
報曰越人相攻固其俗然不足以辱天子之使河內失火
延燒千餘家上使黯往視之還報曰家人失火比屋延燒
不足憂也臣過河南河南貧人傷水旱萬餘家或父子相
食臣謹以便宜持節發河南倉粟以賑貧民請歸節伏矯
制暴上賢而釋之遷榮陽令黯耻為令病歸拜中大夫以
數諫不得久留內遷為東海太守歲餘大治召為主爵
尉時天子方招文學儒者上曰吾欲云云黯對曰陛下

多欲而外施仁義奈何欲效唐虞之治乎上怒變色退謂人曰甚矣汲黯之憊也黯多病嚴助請告上曰汲黯何如人也曰使黯任職居官亡以逾人然其輔少主守城深壁招之不來拂之不去雖自謂賁育亦不能奪之矣上曰然古有社稷之臣至如汲黯近之矣上每不冠不見其見敬禮如此比後拜爲淮陽太守治淮陽十歲而卒其弟仁至九卿子偃至諸侯相舊志歸葬滑城東有墓崇祀鄉賢前漢書列傳

史弼字公謙考城人少篤學聚徒數百辟公府遷北軍中侯桓帝時上書言勸海王惺僧傲不法事後驗拜尚書出

衛輝府志

卷三十一

名臣

二

四百十五

爲平原相時詔書下舉鈞黨獨弼無所上從事坐傳舍貴弼曰青州六郡其五有黨平原何治而得獨無弼曰先王疆理天下水土異齊風俗不同他郡自有平原自無胡可相比若承望上司誣陷良善則平原之人戶可爲黨相有死而已所不能也從事大怒奏弼欺隱下獄會黨禁中解弼得免全活者甚衆遷河東太守議郎何休薦弼有幹國之器宜登台相徵拜議郎出相彭城以疾卒後漢書列傳

晉

蔡謨字明道考城人弱冠舉孝廉避亂渡江元帝時爲中書侍郎後遷兵部尚書時征西將軍庾亮以石勒新

移鎮石城爲賊賊之斬下公卿議謨深言其非遂止後拜爲征北將軍部督徐兗揚州之晉陵豫州之沛郡諸軍事領徐州刺史假節統七十餘人鎮守八所隨宜防備甚有算畧遷侍中司徒卒謚文穆謨博學禮儀朝廷制度多所議定有集行於世子二長子邵永嘉太守少子景有才學官至撫軍長史

晉書列傳

宋

蔡廓字子度考城人司徒謨之曾孫也博涉羣書後爲宋武帝太尉叅軍中書黃門郎以方便爲武帝所知遷太尉從事中郎未拜遭母死性至孝三年不櫛沐殆不勝喪拜

衛輝府志

卷三十一

名臣

三

四百〇三

御史中丞多所糾奏百僚正肅時朝廷議典多取定於中書令傅亮亮每事問廓然後行亮意若有不同廓不爲屈

拜吏部尚書

南史列傳
互見孝義

蔡興宗字以行考城人幼爲父廓所重與親故書曰小兒四歲神氣似不可入黷室不與小人遊故以興宗名字之年十歲喪父哀毀有異凡童性嗜學以業尚素立見稱孝武踐祚累遷吏部尚書上謂之曰卿詳練清慎今以選事相付便可當之毋讓也後拜侍中每止言得失無所顧憚明帝中封安樂公興宗行已恪恭奉宗姑寡嫂養孤兄子有聞於世卒遺命薄葬奉還封爵追贈長子順字景銜方

雅有父風位太尉從事中郎次子約少子樽 南史列傳

北周

李昶彪之孫幼能屬文時洛陽初置明堂昶年十五歲作明堂賦見者咸謂有家風初謁周文帝遂深奇之令入太學值綏德公陸通盛選寮案請以昶為司馬昶雖年少公私之事咸取決焉尋遷為丞相府記室參軍著作郎脩國史轉大行臺郎中進驃騎大將軍累封臨黃縣公卒贈相瀛二州刺史昶以父在江南身寓關右自少及終不飲酒不聽樂時論稱之 北史列傳

北齊

衛輝府志

卷三十一

名臣

四

三百九十三

蔡約字景撫考城人尚宋孝武女安吉公主拜駙馬都尉仕齊累遷太子中庶子領屯騎校尉後為淮南太守行府州事武帝謂曰今用卿為近藩上佐想副我所期約曰南豫密通京師不化自理臣亦何人燭火自息時諸王行事多相裁割約居右任主佐之間穆如也永元二年卒於太子詹事贈太常 北史列傳

蔡樽字景節考城人方雅退默仕齊位給事黃門侍郎母卒廬於墓側後除太子中庶子太尉長史皆不就入梁為吳興太守齋前自種白菟紫茄以為常餌詔褒其清累遷吏部尚書卒於中書令謚曰康女為昭明太子妃子彥深

宣城內史彥高給事黃門侍郎彥高子凝

南史互見

梁

江革字休映考城人幼而聰敏六歲便解屬文九歲丁父
艱與弟觀自相訓勗讀書不倦十六喪母以孝聞後與觀
俱入太學補國子生吏部侍郎謝朓雅重之嘗過候革時
大寒雪見革敝絮單席而朓學不輟嗟嘆久之後入梁掌
書記建安王爲雍州刺史表求管記革與弟觀同爲征北
記室叅軍時任昉約與之書云側聞雍府妙選英才文
房之職總卿昆季可謂馭二籠於天衢騁驥騏於千里途
次江夏觀卒革爲雍府所禮歎若布衣後爲建康令爲政

衛輝府志

卷三十一

名臣

五

四百三十

明肅豪強憚之遷御史中丞彈奏一無所避鎮彭城爲魏
人所執刺史王延明聞革名厚待之革稱疾不拜又令作
丈人寺碑誓不執筆延明知不可屈乃放革還明帝晏勞
之曰今日始見蘇武之節于是以爲太尉時武陵王紀在
東州頗驕縱乃除革武陵王長史革至每待言論必以詩
書王因此耽學武帝謂僕射徐勉曰江革稱職乃除都官
尚書將還贈遺一無所受乘舸偏欹不安乃取岸石拾餘
負於中其清貧如此後謝病家居晉光祿大夫優游閑放
以文酒自娛卒謚曰疆子有集二十卷行於世革歷官
州傍無姬侍家徒壁立時以此高之長子敏早卒次子

墓在考城縣江家集東北二里

南史列傳

江湛字微深考城人父夷江州刺史也湛以孝聞爲太子中書舍人義康之盛人競求昵惟湛自疎出爲五陵內史後轉吏部尚書家貧甚餽餉一無所受論者以此稱之

南史

唐列傳

班宏父景倩國子祭酒以儒名家天寶中登進士第調右司禦曹參軍高適鎮劍南表爲觀察判官青城人以左道惑衆謀作亂事覺誣引屯將規殺死衆兇懼宏驗治卽殺之人心大安郭英又代適表維今以病解大歷中擢衛輝府志

卷三十一

名臣

六

三百九十八

起居舍人四遷給事中李寶臣死子惟岳匿喪求節度帝遣宏使成德喻其軍惟岳厚獻遺宏不納還報稱言擢刑部侍郎進吏部侍郎貞元初值旱蝗賦調益急以戶部侍郎副度支使德宗以宏熟天下計進位尚書宏清潔勤力晨入官署日夕而出吏不堪其勞而宏益恭卒贈尚書右僕射謚曰敬

唐書列傳

闞播字務先及進士第鄧景山節度青齊淮南再嘗幕府遷右補闕出爲河南兵曹參軍事數試屬縣政異等陳少游鎮浙東淮南表爲判官攝滁州刺史李靈耀叛少游屯淮上所在盜賊懼奮播儲資力給軍興人無愁苦揚

交首口播引爲都官員外郎德宗初湖南嗣王國良驚
剽州不可制詔播宣輯因得請事對殿中帝問政治之
要播曰爲政之本要得有道賢人乃治帝曰朕比下詔求
賢才又遣使黜陟摻逮所遺須能者用之若何播曰陛下
雖求賢又使舉薦然止得求名文辭士焉有有道賢人肯
奉牒丐舉選邪帝悅播且言奉詔平賊如有不受命臣請
發州兵剪定之帝曰善及還再遷給事中故事諸司甲庫
以令史直曹利脫爲奸播悉易以士人時趨其法歷吏部
侍郎拜中書侍郎同中書門下平章事貞元初檢校尚書
右僕射持節送咸安公主降回鶻人重其清還遷兵部尚
書以太子少師致仕斥賣車騎闔門不嬰外事卒贈太子

衛輝府志

卷三十一

名臣

七

四百二十六

太保唐書列傳

劉崇魯崇龜弟任知制誥大學士昭宗時以李谿爲相方
宣制魯掠麻慟哭上詔問之對曰谿奸邪依附宦官悉危
社稷谿竟罷見綱目所著有忠臣稿孝子錄節義傳行於
世祀鄉賢唐書劉政會傳

崔日用擢進士第爲芮城尉累遷監察御史兵部侍郎修
文館學士以誅韋氏功授黃門侍郎叅知機務封齊國公
及太平公主逆節帝欲誅之恐驚上皇日用曰庶人之孝
承順顏色天子之孝惟安國家定社稷請先安北軍而後

捕逆黨於太上皇固無所驚帝納之遂以討逆功進吏部尚書後徙并州長史卒并人懷其惠吏民數百縞服送喪謚曰昭贈荊州大都督唐書列傳

盧懷慎范陽著姓祖愨

同

仕爲靈昌令遂爲縣人懷慎在

童非已不凡及長第進士累官至紫微黃門平章事兼吏部尚書卒贈荊州大都督謚曰文成遺言薦宋璟李傑李朝隱虞從愿帝悼歎之懷慎清儉不營產服器無金玉文綺之飾雖貴而妻子猶飢寒所得祿賜於故人親戚無所計惜隨散輒盡開元中拜相玄宗諭之曰朕用卿坐鎮雅俗耳以疾歸宋璟虞從愿候之見蔽簣單藉門不施箔會

衛輝府志

卷三十一

名臣

八

四百四十五

風雨至舉席自障日晏設食蒸豆兩器菜數杯而已臨別執二人手曰上求治切然享國久稍倦於勤將有憺人乘問而進矣公第志之及治喪家無留儲四門博士張星上言懷慎忠清以直道始終不加優錫無以勸善乃下制賜其家詔官爲立碑今蘇頲爲文帝自書焉唐書列傳

李元紘字大綱早修謹仕爲雍州司戶叅軍時太平公主

與民競碾磴元紘還之民長史竇懷貞大驚趨改之元紘

大署判後口南山可移判不可搖也開元初爲萬年令賦

役稱平擢京兆少尹詔決三輔渠時王主權家旁渠立磴漑

竭爭利元紘較吏盡毀之分溉渠下田民賴其恩遷戶部

侍郎條陳利害及政得失帝才之遂拜中書侍郎同中書
門下平章事封清水縣男卒贈太子少傅謚曰文忠元紹
再世宰相有清節其當國務峻崖檢抑奔競考進者憚之
未嘗改治第宅僮馬敝弱得封物賙給親族宋璟等歎曰
李公引宋遙之美黜劉蕡之貪爲相國家無留儲雖季文
子之德何以加之

唐書列傳

宋

魏仁溥字道濟幼孤貧母爲假黃緘制暑服仁溥年十三
歎曰爲人子不克供養乃使慈母求貸以衣我我能安乎
因慷慨泣下辭母詣洛陽濟河沉衣中流誓曰不貴達不

衛輝府志

卷三

名臣

九

四百二十四

復渡此晉末隸樞密院爲小吏入契丹得脫歸魏帥杜重
威欲留任牙職以其降將不願事遁去漢祖起補舊職時
周祖掌樞密召問闕下兵數悉能記手疏六萬人周祖喜
及卽位以爲樞密副使又問諸州屯兵數及將校名亦卽
手疏上一無差脫乃益倚重焉世宗時累官樞密使轉中
書平章集賢殿大學士特排衆議決用爲相宋初進右僕
射從征太原道卒贈侍中景德間謚宣懿爲人謙厚善書
記接士大夫以禮尤有寬惠務以德報怨時稱長者于咸
美以左司禦率府率致仕咸熙成信自行傳

宋史列傳

景德初守冲之舉進士爲殿中侍御史時兵冗用乏奏

比計招徠太多不加辨其真偽宗將四方割據皆歸之
餘州民力未完耕種水廣然用度充足者兵少故也兩所
征皆克數十年來用數倍之兵所醫必收以此知兵在精
不在多也時論寃之又與司馬光歐陽修同上封事緊蹙
吏部員外郎擢天章閣待制知諫院以病卒祀鄉賢宋史列傳
宋守約初爲左班殿直累擢威武軍留後卒贈安武軍節
度使謚勤毅初神宗以禁旅驕惰爲簡練之法守約先率
推行約束嚴峻或言其持軍太急帝密戒之對曰臣爲陛
下明紀律不忍私恩出於已而歸怨陛下帝善之卒祀鄉
賢宋史列傳

衛輝府志

卷三十一

五臣

十

四百三十六

陳琰字伯玉登進士歷深陽樂城縣簿太常博士值曹利
用增廩士倫爲選使聽獄不以直訟者不已付琰評決直
之御史韓億以聞奏爲監察御史丁父喪哀毀墳木連理
憂除遷殿中侍御史天聖五年郊恩與張錫特疏丁謂因
緣倭佞竊據公台賄賂包直盈於私室威權請謁行彼公
朝引巫師妖術厭魅官關易神寢龍岡葬消王氣今裡柴
展禮泚汗推恩勢必漸輪琛貨私結要權假息遐荒冀移
善地夫亂常肆逆將而必誅陰懷奸惡有殺無赦李德裕
止因朋黨不獲再還盧多遜曲事王潘卒無辜復帝深然
之改三司度支判官遷侍御史歷京西河東河北運副三

司戶部度支監鐵副使汴倉納糧綱槩量不實擦舟者坐
亡失所載杖背徒役琰始奏選官監視爲之定計斗面積
遷至工部郎中卒 宋史列傳

劉隨字仲豫以進士及第初爲永昌判官軍無城堞列巨
木爲柵壞輒易之頗費民力隨因令值柳數萬枝使相連
屬以爲界限民遂得不擾後遷大理丞又遷左司諫終天
章閣待制爲言官時以清直聞在蜀臨事明銳人號水晶
燈籠比卒帝憐其家貧賜錢六十萬 宋史列傳

元

宋崇祿字壽卿由中書掾樂平州同知歷官至西臺御史
衛輝府志 卷三十一 名臣 十一 三百八十一

卒贈推誠守正功臣江浙行中書省叅政護軍追封魏郡
公諡忠肅至正三年勅賜立祠祀之 滑縣志

韓澍衛縣人至元初爲汲縣令敷教課農勞心民事百姓
非農隙不許入城市躬閱勤惰以爲賞罰遇旱裁決濬獄
以消沴氣及虔禱蒼山龍神靈雨屢應隣邑被蝗獨不入
汲境民歌頌之 淇縣志

明

李本延津人永樂甲申進士仕兵科給事負性剛直抗疏
敢言不避權勢謫戍遼左一日朝廷問小李給事安在卽
召復職後不爲衆所容陞廣西梧州府知府 延津縣志

周詠字思養延津人嘉靖壬戌進士授魏縣令擢御史出按大同條數事著爲令典典山東鄉試所取悉知名士時江陵柄政數召至詠以內艱初闕延遲不行累推少司馬蔭二子以老乞骸骨歸好施與子孫世其家聲

延津縣志

宋訥字仲敏滑縣人父壽卿元侍御史訥性持重學問該博至正中舉進士授鹽山令以世亂棄官歸結茅屋於瓠子堤居焉洪武中用四輔官杜徵薦授國子助教陞翰林學士改文淵閣大學士未幾遷祭酒時功臣子弟皆就學及歲貢士嘗數千人訥爲嚴立學規終日端坐講解無虛晷夜恒止學舍十八年復開進士科取士四百七十有奇由太學者

衛輝府志

卷三十一 名臣

十一

四百三十八

三之二再策士亦如之帝大悅製詞褒美長子麟舉進士擢御史出爲望江主簿帝念訥老召還侍二十三年春訥病重止學舍麟請歸私第叱曰時當丁祭敢不敬耶祭畢昇歸舍而卒年八十帝自爲文祭之又遣官祭於家爲治喪地文臣四品給祭葬自訥始正德中論文恪訥嘗應詔陳邊事勸帝屯田帝頗採用其言既卒帝思之官其次子復祖爲司業誠諸生守訥學規違者罪至死所著有西隱稿

明史列傳

蔣廷瓚滑縣人少有學術識治體洪武中以才行薦除都督府經歷改嘉興通判永樂初仕濟南同知歷兩淮運使

進一部侍郎出爲貴州左布政司夷人歸化彊字以寧未幾卒

滑縣志

孟桓滑縣人洪武二十二年貢於京太祖夜夢殿角東南傾得一人承之次日早朝見桓立於東其貌與夢符遂重之旋授山東叅政進布政桓性剛介有古人風歷官四十餘年所在有聲

滑縣志

張璞字蘊玉滑縣人性純篤羨丰儀初授翰林院庶吉士遷給事中每奏對聲達廷陛左右必曰此張給事也適北鄙未靖敬帝擇羣臣可巡邊者僉議推璞璞歷各邊還僻過至回作九邊圖上深器之歷官通政司以疾請告旋卒賜

衛輝府志

卷三十一

名臣

三

二百九六

祭 滑縣志

劉璋字廷圭汲縣人登成化丙戌進士授高密縣知縣廉明仁恕興利除奸增學舍勵生徒聲稱著聞擢福建道監察御史出爲山東按察司僉事累遷至都察院右副都御史勞績宏多風紀振肅比卒朝廷遣官諭祭並營葬事山東通志以名宦稱

汲縣志互見政績

王嵩字邦鎮汲縣人舉成化丁未進士性介直授太湖知縣改青城廉明寬厚不事苛察民不忍欺有古循吏風擢監察御史轉大理丞左右少卿陞右副都御史巡撫延

陝西叅議以事忤逆璫燭旨下錦衣衛獄籍產

行事曰復其產以原職致仕歸年八十有四子道生子金
瑋但舉於鄉 汲縣志互見政績

馬汝彰字存美汲縣人英孫闕子登嘉靖壬辰進士授武
進知縣清慎多善政徵拜刑科給事中轉吏科左右刑科
都給事申立朝多所建白擢山西叅政山東按察使所至
聲稱蔚然轉雲南左布政使累疏乞休時年甫四十有六
性和厚與物無忤優游林下者十有六年當道多列薦愈
自晦約無進取意爲詩文平易典則所著有瓊圃集行於
世 汲縣志

陰秉暘字子寅汲縣人嘉靖丁未進士授餘干知縣有善
衛輝府志 卷三十一 名臣 古 四百零六

政擢監察御史毅然以風紀自任前後抗疏數十上朝紳
憚之後爲忌者所排謫判同州稍遷館陶知縣平涼同知
歷陞陝西僉事叅議所至皆有聲績旋告歸益肆力於學
問言行必求合於古聖賢士類咸推服所著有四書蒼訖
等編六卷四書自訓歌一卷陰氏讀書抄三卷內經考類
十卷 汲縣志

蘇朝宗字汝見號納川汲縣人天性孝友隨父利津任閭
視無輟事繼母如所生嘉靖乙卯舉於鄉丙辰成進士
大名順德推官擢監察御史督鹽兩淮並東南河道
政做壞上疏條陳六事鹽政畢舉漕河淤塞議開新

支河疏凡七上新河功成賜白金紵絲巡按江西轉山東
叅議所至皆有善政旋乞休歸養病林麓娛親課子口不
談榮利事處鄉黨恭遜有禮著志吾錄一卷百泉詩草一
卷子八人知名者時雨亞魁時霖教授時沛教諭時雷增
生時霖庠生時霖教授時雨時霖自有傳

汲縣志

劉易從號在川汲縣人嘉靖乙丑進士知威縣調遵化俱
有治績以其廉稱為青萊歷戶部郎中出知兗州武昌府
刑清政簡能決疑獄又有明月之謠碑勒黃鶴樓下陞寧
前隴右兵備晉蜀魯左右布政巡撫山東卒於官其自贊
有云薊曰青萊鄂曰明月兩地民謠一生宦業生四子率

衛輝府志

卷三十一

名臣

十五

四百二十四

有學行孫欲達而登副榜

汲縣志

靳義字原禮淇縣人洪武中以鄉薦任北平道監察御史
正色立朝風憲得體永樂初出按北京糾治貪墨裁決疑
獄滯訟咸得其情吏民畏服惟恒疏食毫髮無取於下時
太子居守北京賜魚米以旌其廉且語左右曰靳義可謂
真御史也陞湖廣按察司副使以入覲卒於京入祀鄉賢

祠

淇縣志

劉致中字位夫號芹泉澤津人隆慶戊辰進士庚午聘克
畿闈同考得士十六人授中書直掖遷侍御史山西道初
命巡西城再命巡光祿三命巡京通二倉神羊屢觸上封

事疏監司有司四弊再疏三宮其辨乞裁省蘇商困六事
又疏剔漕蠹六事其侍耕籍田爲禮官疏請苑中隙地播
種欲上親省庶知稼穡難都門國稅中貴所司人諱言
之而獨毅然請裁抑外補陝西食憲兵巡關西適大祲多
盜急賑貸嚴保甲卒賴以寧業給事閻遵重其才特薦尋
轉本轄少叅守金州首蠲苛稅平棧險除虎患無何州雨
澤江泛城大陷海少叅冒雨捐生舍一家而救一郡已乃
議遷城舍請更州名爲興安解綬歸士民拔舟號泣祀入
名宦祠延津亦入鄉賢延津縣志

李戴字仁夫延津縣人隆慶戊辰進士累官至冢宰是時
衛輝府志 卷三十一 名臣 十六 四百七十一

採擢四出國本未定人莫敢言戴獨力請帝俱納之進階
柱國以年老乞歸疏十二上報允歸家立義館置學田貧
而有志者多藉以發跡卒祀學宮 明史列傳

屈可伸字謙伸延津縣人天啟壬戌進士授檢討辛未分
較南宮晉侍講充經筵講官纂神廟實錄癸酉陞右春坊
中允奉命冊封周藩寇難作倡先設備作神器局記數千
言皆古名將所未備者陞春坊諭德撰勅誥文進右庶子
祭酒再歷正詹以病卒 延津縣志

王越字世昌濬縣人景泰二年進士初爲御史有名歷官
全太子太保兵部尚書兼憲職嗣以威寧海功封威寧伯

食祿千二百石與世券旣佩征西前將軍印鎮大同加太子太傅增祿歲四百石掌都督府事提督團營事叙一子錦衣百戶忽有劾公爲詩怨望者因奪封編安陸公屢陳寃下廷議復左都御史致仕遂起總制寧甘等路軍務召至陛見加太子太保公有才畧着威望再起益奮勵旋加少保兼太子太傅未幾卒軍中贈太傅謚襄敏崔文敏公銖曰少聞世昌文武大畧比入翰林修太陵實錄得見國史知其功甚偉世昌姿表奇邁慷慨自許議論英發見事風生久膺師寄歷諸鎮身矢石其于邊徼險易人情真偽將品士勢定諸胸臆覆如示掌出奇取捷謀成發中衛輝府志

卷三十一

名臣

七

四百五十八

顛倒才智柔馴辯強皆樂爲之用効之者自以爲不及其所見所執壯老一致雖罹挫衄而志不少衰善獎拔士類嘗特薦楊守隨佾鐘屠瀟王睿四御史健將武校多出其門又長于吏事判案章奏口占授吏曲當事情博學多文凡兵法射藝象緯堪輿之說罔不該究爲詩歌雜邁跌宕若不屑意睦族敦舊矜窮恤貧援接卑幼如恐不及

明史列傳

尹雄字文英濬縣人負奇氣議論每依名節始授中書會中官何文鼎以宮禁事諫死臺諫避諱無敢言者公乃上疏申理由是知名旣爲刑部郎中復值新寧伯奪民田事爭訟數年不決公至一言決之時並瑾用事惡其直左遷

兗州判後瑾誅復職卒

滑縣志

王瑛字廷實滑縣人登正德辛巳第慷慨有氣節早歲能詩文爲諸生時流賊亂邑侯就問方畧筮仕授御史世宗議大禮偕臺省伏闕諫上震怒言益切清戎河南軍政肅理按兩浙貪墨望風解印綬去中官鄧文不法上章劾其罪討處州寇有功欽錄賞之以忤當道歸家居守令訪政事知無不言所著有太任子集黎陽雜咏行於世入祀鄉

賢祠

滑縣志

祁伯裕原名光宗滑縣人因避廟號以字行戊戌進士授

工部調禮部有清譽擢陝西提學歷甘肅巡撫官至太子

衛輝府志

卷三十一 名臣

六

四百十八

太保兵部尚書卒贈少保謚敏惠伯裕少有才名能文工

書筮仕後勲伐俱在西陲完德全福近時大臣罕與爲比

所著有餘清館等集

滑縣志

黃紱字用章封邱人正統間舉進士除行人遷南京員外

郎郎中廉峻剛直遇事鸚發正色山立不避權貴出爲四

川叅議轉叅政歷遷江西湖廣布政使會兩京興大工徵

銀二萬緡以庫積羨餘充之於民無取擾又勢豪逼索馬

快艇債及荆王奏徙墳塚紱悉不從省費巨萬遷部御史

巡撫延綏乃捕豪猾問病苦拯困恤孤尋進戶部尚書改

工部御史無何致仕綏登仕籍比五十年以愆直聞劾節

然時有當事者稍不爲屈然亦能保其始終云
明史列傳

李振綱封邱人成化辛丑進士任太常寺博士官至浙江道
監察御史正色立朝不避權貴時稱得風憲體人鄉賢祠
封邱縣志

底蘊字汝章考城人正德甲戌科進士初令興化著能聲
改調咸陽三邊要衝蘊舉利獎之人者行之治渭河理冤
獄建十白襪不可勤之業以績最擢禮科給事中上疏誅
逆黨正母儀創大禮明祀典嘉靖改元轉左右給事中危
言激論有加於前讀河曲諫草令人色動出守太平招流

衛輝府志

卷三十一 名臣

十九

二百八十七

亡清賦役禁黃河祀歲省民膏以數萬計旋丁艱歸服
闕補安慶歷官至巡撫甘肅始命下行經紅墩子等隘
忽被敵人數萬入寇蘊倉猝調兵運奇制勝既至甘肅
命將出師斬獲無算自是敵人不復南下蘊竟以勞成疾
卒於涼州 考城縣志

國朝

李嵩陽號弦佩封邱人明庚午舉人逆寇圍汴挈家寓都
門 國初謁選授工部司務遷吏部司務郎武選擢廣東
道御史巡視東城一時豪猾屏跡巡鹽兩淮事
上命內閣校試擇有經學者使主文衡嵩陽文爲最督

江學政以能正文體遂併下江歸焉陞鞏昌參議以
歸服闋補溫處道右參議

封印縣志

蘇文樞字環中汲縣人時淫子順治丙戌進士授行人陞
給事中疏陳衛源驛站歇馬三大事轉禮科右隨轉戶科
左以疏言刑賞未當獲譴旋里課耕教讀吟咏林下著句
園詩草

汲縣志

李實秀字范林大生子前壬午與兄實發同舉於鄉順治
丙戌成進士授內府中書科舍人陞給事中歷兵刑工三
垣多所建白出為江西湖東道永豐鉛山玉山等處盜賊
盤踞實秀招撫賊首散其黨羽四境獲安遷江南副使兵

衛輝府志

卷三十一 名臣

三

四百十一

脩鳳宿海寇猖獗民心洶洶實秀統兵勦捕賊黨悉平又
繪圖請蠲賑尋晉參政分督蘇松常鎮四府儲糧以前官復

例應改補卽旋里養親後以參政補廣西鬱林兵備賦性
平易居家孝友純謹謙和然諾必踐其在諫垣疏題汲縣
水災驛站留心桑梓疾苦鄉人德之康熙間崇祀鄉賢

汲縣志

景考祥字履齋本江南江都人幼隨父于禮至衛遂家焉
年弱冠投試撫軍一日就詩文六十六藝撫軍歎賞為倚
馬才旋入汲庠中戊子經魁癸巳成進士選庶常授編修
屢分校禮闈及典順天湖廣鄉試所拔皆知名士遷御史

彈劾不避貴顯出巡臺灣轉吏科給事奏革鹽引官運官
賣之弊旋管福建都轉鹽運司事以屯積羨餘數十萬觧
悉散新商創立章程垂爲定制既去臺聞同官有肆行貪
橫者立劾罷之人咸服其剛介性孝友因父母早亡特繪
風木圖志其悲素不事生產子維揚買田宅分給昆弟
生平慷慨遇槩梓親知以窘乏告卽解囊相助雖生計蕭
然宴如也所著有臺灣紀畧蘧村學韻偶存楚游草等集
汲縣志

劉源濬字道九滑縣人丙戌進士初任江南太和令歷山
東濟陽陝西伏羌所在皆有賢聲陞刑部陝西清吏司主
衛輝府志



卷三十一 名臣

五

四日二十八

事尋授雲南道監察御史庚子巡按河南風聲所至墨吏
斂跡前後十數疏皆關國是民瘼陞饒南九江叅議時滇
黔蹙眉羽檄交馳運籌措餉嚴加守禦吏民獲全無何乞
歸林下十有三載而卒

滑縣志

王綬字紫佩號筠亭延津人乾隆辛未成進士改庶吉士
逾年授編修充 國史館纂修續文獻通考時稱良史才
四預禮閣所拔皆績學士改御史風生臺閣歷巡東西北
三城奸宄潛跡綬學博品端正直不阿官京師二十餘年
自奉無異寒畯文章書法爲時宗工卽江浙諸鉅公皆爲
頌首終朝議大夫禮科給事中有奏疏詩文等集藏於家

寔採訪事

衛輝府志

卷三十一 名臣

重

十七

39